

四明叢書

張宗祥



構菴存藁卷二

清鄞縣蔣學鏞聲始撰

老母逝世後三年無詩庚寅冬偶讀先漁澳居士

集感而賦此

不作娛親計

前輩周鄭山詩無計娛親只讀書

殘書自討尋開函對遺

墨卽事試祥琴世遠之無種

居士黼五世祖也

庭空草有心悽

然憶兒課香炮夜沈沈

幼時母課繡兄弟夜讀以香三炷爲率

松栢閣嘆

世間萬事一仰俯舞榭歌臺久塵土故家文物重可思

砌里今比城南杜

杲堂先生所居名砌里

東州老人有遺築子弟

風流門著古別添小閣貯圖書

開爲東門丈所增築

特愛清陰敞

廊廡行人隔水指敬盡坐客憑欄聽疏雨百年小劫太

匆匆社燕歸來空覓主鵝欄豕棚偃仄多掘盡陳根移

舊礎我來訪舊坐其下斷幹枯株重摩拊讀書秋樹今

有無蒼舊凋亡風月苦醉翁草木尙可敬曷不留之縱

尋斧主人一笑不見答捫腹階前算屠酤

東門先生著

集其序曰生平所作雖不向松梧言而松梧已盡知之其志可見矣

後落葉詩

秋思惺惺客病中可堪搖落感衰衷鐘聲夜促嚴霜集
林影朝餘淡日烘苦節僅留長護竹盛顏難駐早愁楓
瓦溝幾片敲偏急差喜連朝正耳聾

浮雲濃漫雨漫漫晚報新晴試倚欄洗出秋姿何慘澹
望中野色已闌珊短牆剩有破蕉舞永夜兼愁宿鳥寒
忽憶飄蓬空意氣蒯緱在手幾回看

蕭然幽趣想吾廬槁葉盈堆漫掃除拾得乾薪供婦爨
留當敗絮遣兒書窗虛我正耽清韻屢響誰來破索居
倦客欲歸歸未得一天涼思渺愁予

曾賦悲秋句已陳再逢衰謝黯傷神歸雲莫補山容瘦
空院平添月色新委地紛紛素逐客留枝落落楚遺民
蹉跎節序今猶昨數點拳芽又破春

辛卯冬杪將入都客有以枕贈行者因書其上

少日曾酣燕市歌老隨計吏又開河半肩行李蕭條色
贏得詩情枕上多

橋霜店月逐征車辛苦嚴裝客夢餘一榻幽閒消未得
獨油燈下枕殘書

在平道中見小車張帆而行戲作

忽見帆從樹隙移，盪舟真有陸行時。
一聲歷碌車塵起，五兩占風別樣奇。

書畫裝輕試倚簷，也如人坐小航中。
輻輪軫蓋空繁屑，擬補遺文註考工。

漢東平獻王墓

東海謙卑修士同，引嫌王亦謝三公。
楚藩廢後淮王謫，容易原頭片石封。

衰草連岡閣漆燈，千年遺蹟尙堪徵。
試從渭北尋殘榻，何處秋風十二陵。

旅次題畫壁

遠樹著瓊蕤，遠山浮玉玦。借此素壁光，勾染作積雪。冒寒者誰子，蹇驢行蹇蹇。詩囊負小奚，幽討足怡悅。我來值春寒，枯條凍猶結。重陰雲四垂，長怕飛六出。村沽晨買醉，稍用回暖熱。僕夫又催程，狂風捲沙屑。披圖愛清景，上馬望晴日。乃知畫中人，驢背正愁絕。

趙北口

燕南趙北此間分，避世祇應學杜門。卻聽童謠思卜地，敵樓高築笑公孫。

斷流原只費投鞭辛苦穿渠計可憐

宋何承矩守雄州多作塘濬以限契

丹咫尺白溝河畔路誰將玉斧劃窮邊

京邸與董小鈍話舊

散是飛蓬聚亦萍河汾弟子各飄零三年重對長安酒

與小鈍別

三年矣

一卷頻商有道銘

小鈍方輯謝山先生年譜

文苑儒林留

片席幕田丙舍感荒垆名山珍重千秋業慚愧同傳博

士經

將出都留呈座主宗伯莊公四十韻

百年文治洽制作應昌符潤色垂鴻業經綸屬大儒家

聲沿漢代地望壓吳趨喬木長留蔭奇葩並接村

公諸父四

人並甲科公弟復大魁

早年第二酉餘力賦三都學海窺何極詞

源譽久孚科應重韓李名偶介王廬

公以第二人及第

瑤島清

暉迴花磚麗景鋪箋經參講幄擁傳寄文樞直上星辰

近惟寅夙夜俱朝章資黼黻階樂叶喁于鉅典三宗合

元音九奏敷在廷推宿老經國足訐謨重借吳剛斧頻

搜象罔珠早曾持玉尺今復對冰壺

公前於丙子嘗主浙闈

柱倩

中流砥輪期大雅扶楚江擎杜若越冶鑄昆吾琬琰俄

增價尊彝別按圖羣慚冀北野家指海東隅勾曲原偏

壤明山亦與區風流紛嗣續文獻未荒蕪兀兀青箱纘
茫茫白日徂學曾嗤獺祭技莫試龍屠蹭蹬頭顱換孤
寒骨相癯屢投嫌巨璞一顧擅名姝入洛時方晚遊燕
計又迂蠹書還滿束驢券恰新租暮邸塵蒙面晨韜雪
灑途卸裝休旅客投謁冠生徒借諸同年進謁
公獨置子上坐幸許文
堪質深憐病未蘇入囊方穎脫經爨已桐枯齊國仍操
瑟春官試監竿心期前輩重眉樣近時殊逐隊商歸燕
分行避玉駒喧闐江畔塔毬毬酒家鑪疲馬將安托高
鴻或可呼極知操術在樞威實音孤東閣緣仍在南轅

路尙紆成陰愧桃李托興有尊鱸回首門牆隔明朝問僕夫

語溪沈初菴孝廉索題耕田識字圖

果否溪庄勝石渠數椽茅屋賦歸歟

君嘗供事書局

春疇畧較

村農樂隨意騎牛讀漢書

平生我亦愛書倉老去方耽野趣長不向玄亭問奇字
煩君添築耦耕堂

嶧山

孤桐舊記徐州貢百尺枝今何處尋一笑荒山童亦得

人間箏笛有新音

瓜步阻風初菴有詩次韻

晚渡風兼雨孤篷夜似年
出山原孟浪歸路尙迢迢
燈影移遙岸鐘聲破暝烟
君看退飛鷁何處敢爭先

寒夜讀亡友張望槎詩

破廬四面不障風擁被細撥殘灰紅
起尋篋詩遣長夜忽見故人冰雪容
君詩戛戛愛獨造迢迢巖壑何深重
吟從舌端作倔強捫去紙上生窪隆
卽此已落寒瘦痕近時官樣爭昌阜
平生坐詩窮到死猶復自負鬼斧工

寡妻稚子困寒餓清白幸不辱乃翁向來輕肥幾同學
眼看枯菀分西東遺詩付我有深意寶氣尙鬱匣底鋒
十年一序踐宿諾數語咄咄還書空九原可作定拊掌
可憐等是寒號蟲

折枝梅花

絕似支離士猶餘藻思奇曾經枝壓雪翻得影窺池老
樹荒籬外歸舟暮雨時空郊誰臭味爲爾一嗟咨

去秋移植芍藥立夏日作一花

平生事事嫌遲暮花意如人亦晚芳紫筍朱櫻新配節

玉盂金帶舊呈粧，催開昨夜猶春雨。留賞今年得故鄉，
曾記斜街塵市裏。夜瓶一束破慳囊。

送董小鈍赴官粵西

董生味古士績學，探二酉等身新著書。自命寄不朽，以
此置館閣。囊筆壓儕偶，奈何紙尾判重屈。著作手三年，
鑄歐劒不如淬七首。五石種魏瓠，不如試甌甑。向來泚
澣統所得，竟何有。功名固時至，肯令歲月負此意。吾諒
君雅抱待一剖，不學孔稚圭塵容笑奔走。

無蟹有監州，戲語傳自古。足知佐領職，時亦拄大府。於

今風塵吏俛首甘狎侮未束督郵帶幾負刺史督君行
得州貳冗散方試補淮陰洵國士屈作噲等伍世無錢
文僖吏課日旁午拄頰對西山風骨看軒舉弱者例汨
沒剛亦近莽鹵斟酌得失間凡百愼仰俯

前賢遷謫地客子方豪遊嶺嶠雖絕遠安穩報水郵蠻
花雜瑣碎犵鳥鳴鞠輶況茲山水窟官閒恣冥搜獐羣
及伶峒一一展齒留三年績報最鴻鵠翔高秋序遊亦
偶爾爪印還記不君已視陳迹民或頌故侯勿矜陸賈
裝黃金壓歸舟要令鬱林石清風重蠻陬

長至前一日有雙燕集予楹間毛羽摧頽畏寒特
甚感而賦之

朔風掠雨更何之眞是梁園雪滿時未掃巢痕猶顧盼
相隨羽影尙差池高程合讓霜鴻穩非族難禁瓦雀欺
轉眼韶華春社近最先探路問花期

聞山左警時予又將北上

武備重熙後官情積翫餘歲荒人佩犢道遠客擔書消
息參疑信萌芽急掃除萬言慚獻策隨例上公車

虎邱謁萊陽二蘇先生祠

老兵謫向宣州去

給事國難後常自稱宣州老兵蓋不忘思陵遺命也

水剩山殘

無住處歸然祠屋劒池旁遺直人今重流寓當年抗疏

叩九閭拜杖不死仍含恩有弟棄鍾空視獄全家灰燼

未招魂

萊陽破公父士良帥其子婦二十七人俱自焚公弟兄人塚疏請代兄繫獄釋公暫歸葬不許

鼎鼎國殤光日月不放孤兒拾遺骨督相疏陳事已非

閣臣李建泰視師臨行

請釋公始有宣州之謫

國門迴望虞淵沒軀等身世嘆

安歸兄弟西山歌采薇尙欠餘生殉玉座敢將舊事緝

圓扉我來虎阜停遊轡再拜祠前別追記吾鄉亦有一

美祠末命荒朝忘勛賜

舊監國時公子爲象山令特命建祠今郡誌不之載